

Nuummi (Kommuneqarfik Sermersuumi Nuup illoqarfittaa, Nuussuaq aamma Qinngorput katerisimaartarnernut tunngatillugu killilersuigallarnarit inerteqquteqartitsinerillu pillugit Namminersorlutik Oqartussat nalunaarutaat nr. 6, 3. april 2020-meersoq.

Nappaatit tunillaassortut akiorniarlugit iliuitsit pillugit Inatsisartut peqqussutaanni nr. 20, 12. november 2001-imeersumi, Inatsisartut inatsisaatigut nr. 1, 1. april 2020-meersutigut allanngortinneqartumi, §§ 6, 6 a aamma 12 b kiisalu § 29, imm. 2 malillugit aalajangersarneqarpoq:

Atuuffii

§ 1. Nalunaarut Nuummur atuuppoq, taamaattoq takuuk imm. 2 aamma 3.

Imm. 2. Nalunaarut Dronning Ingridip Napparsimavissuanut imaluunniit nakorsiartarfinnut kiisalu namminersortuni niuertarfinnilu peqqissaanermik naalagaaffimmit akuerisaallutik ingerlatani ingerlatsisunut atorfeqartitsiffiusunullu atuutinngilaq.

Imm. 3. §§ 3 aamma 4 katersuunnernut politikikkut allatulluunniit isummersornissamik siunertalinnut atuutinngillat.

§ 2. Nalunaarut malillugu killilersuinerit, inerteqquteqartitsinerit, peqqusinerit il.il. 14. april 2020 tikillugu atuutissapput.

Katersuunnernut il.il. tunngatillugu killilersuinerit

§ 3. Illup iluani silamilu aaqqissuussanut, nalliuttorsionernut, sammisaqartitsinerit assigisaanulluunniit inuit 10-t qaangerlugit peqataaffigineqartunut ingerlatsinissaq peqataanissarlu inerteqqutaavoq, taamaattoq takuuk imm. 2.

Imm. 2. Peqataasut taamaallaat inoqutigiiuppata imm. 1 najukkamut atuutissanngilaq.

§ 4. Inuit qulit sinnerlugit tamanit katersuuffigineqarsinnaasumiippata, § 3, imm. 1-imullu pisup ilanngunneqarsimannginnera aqutugalugu inuit politiit naliliinerat malillugu nappaatinik ulorianartunik nalinginnaasunik immikkut tunillatsinnissamut ulorianartoqarfiusuni, politiit inuit piffimmiit qimatseqqullugit peqqusisinnaapput.

Imm. 2. Politiit imm. 1 malillugu naliliinerat nappaatinik ulorianartunit nalinginnaasunit tunillatsinnissannanermut tunngatillugu Nakorsaaneqarfiup innersuussutai nalinginnaasut eqqarsaatigalugit pissaaq.

§ 5. Politiit § 3-mi inerteqquteqartitsinerup eqqortinniarnissaanut nakkutiginninnissaq siunertaralugu ininut sumiiffinnullu allanut eqqartuussivik akuersiseqqaarnagu isersinnaapput.

Imm. 2. Najugaq imm. 1-imi ilaatinneqanngilaq.

Pisortat suliffeqarfiutaannut isersinnaaneq killilersuinerillu

§ 6. Suliffeqarfiit kulturimik, ilageeqarnermik sunngiffimmillu sammisallit pisortanit pigineqartut Nappaatinut tunillaassortunut inunntut iliuutsit pillugit Inatsisartut peqqussutaanni § 22, imm. 1-imut ilaanngitsut iniutitik tamanut mattuteqqassavaat, taamaattoq takuuk imm. 2.

Ininut assigiinngitsunut isersinnaaneq killilersuinerlu

§ 7. Inuussutissarsiummik ingerlatallit ininik makkuninnga tamanut mattusseqqassapput:

- 1) Unnukkut klubbit, qitigiartarfiit, imerniartarfiit, il.il.
- 2) Neriniartarfiit, cafeet il.il., tuniniaaffiusumi nerisassanik sassaalliutigineqartunik nerisarfiusut, aamma imigassanik sassaalliutigineqartunik imertarfiusut, taamaattorli imm. 2 takuuk.
- 3) Nuuk Center, taamaattorli imm. 3 takuuk.
- 4) Sumiiffiit timersornermik ingerlatsiviit sunngiffimmilu sammisassaqaartitsiviit, taakkununga ilanngullugit timersoriartarfiit, nalunnguartarfiit, sungiusariartarfiit, isiginnaartitsisarfiit filmeriartarfiillu.
- 5) Kakiuisartut, iverusersuisartut, eqissisimaarluni uffariartarfiit, timigissartarfiit, pinnerasaarfiit tagiartuisarfiillu, nujalerisut inillu allanut kiffartuussiviusartut ilusimikkut timimik qanimut attuiffiusartut palersaartarfiillu.

Imm. 2. Neriniartarfiit, cafeet il.il., imm. 1, oqaaseqatigiit aappaat apeqqutaatinnagu, nerisassanik imigassanillu, tuniniaaffiusumi nerineqartussaannngitsunik imerneqartussaannngitsunillu annissassanik tuniniaaniarlutik tamanut ammasinnaapput, taamaattorli § 8 takuuk. Tamatuma saniatigut Nuuk Centerimi annissassanik tunisat pisiniamit nammineq aaneqarnissaat atuutissaaq, pisiniaarfik pisinianik illorsuarmi silarlikkut taamaallaat isertitsisaraluarpalluunniit.

Imm. 3. Pisiffik tassungalu isersinnaaneq taamatuttaaq pisiniaarfiit illorsuarmi silarlikkut pisinianik isertitsisartut imm. 1, nr. 3-mut ilaanngillat, taamaattorli § 8 takuuk.

§ 8. Inuussutissarsiummik ingerlatallit aamma suliffeqarfiit pisortanit pigineqartut ininik kikkunnit tamanit iserfigineqarsinnaasunik pigisallit piumasaaqatinik makkuninnga naammassinnissimassapput:

- 1) Natermut kikkunnit tamanit iserfigineqarsinnaasumut 4 m²-iusumut amerlanerpaamik inuup ataasiinnaap isersimanissaa akuerineqarsinnaavoq. Nateq 4 m²-imik mikineruppat oqaaseqatigiit siulliit apeqqutaatinnagit inuup ataatsip isersimanissaa akuerineqarpoq. Nateq oqaaseqatigiinni siullerni pineqartoq qanoq pequteqartiginera apeqqutaatinnagu iikkamiit iikkamut naatsorsorneqassaaq.
- 2) Init ajornanngippat imatut pequsersorsimassapput tuniluunnissaq minnerpaaffianiitineqassalluni, tassunga ilaalluni pisisut pulaartullu imminnut qanillinnginnissaat periarfissaqartillugu.

- 3) Inimi ininiluunniit tamanit iserfigineqarsinnaasuni eqqiliusaarnissaq ileqqorissaarnissarlu pillugit paasissutissanik nivvingaasoqassaaq. Paasissutissat oqaaseqatigiinni siullerni taaneqartut Nakorsaaneqarfimmiit tamanut saqqummiunneqassapput.
- 4) Sulisut tamarmik Nakorsaaneqarfiup eqqiluisaaqqissaarnissamik ileqqorissaarnissamillu innersuussutaanik malinninnissaat qulakkeerneqassaaq. Innersuussutit oqaaseqatigiinni siullerni taaneqartut Nakorsaaneqarfimmiit tamanut saqqummiunneqassapput.
- 5) Pisisunut pulaartunullu ajornanngippat imermik qaqorsaammillu imaluunniit assammut spritimik peqassaaq.
- 6) Nerisassanik poortorneqarsimanngitsunik tuniniaanermi sulisut aaqqateqassapput.

§ 9. Inuussutissarsiummik ingerlatalik politiit naliliinerat malillugu § 8-mik unioqutitsisimappat, inuussutissarsiummillu ingerlatalik § 8-imik malinninnissaa ilimagineqanngippat, inimik piffissami aalajangersimasumi tamanut matoqqatitsinissaannik politiit peqqusisinnaapput.

Pineqaatissiissutit

§ 10. Inuit § 3, imm. 1-imik, § 7, imm. 1-imik imaluunniit § 8-mik unioqutitsisut imaluunniit § 4, imm. 1, imaluunniit § 9 malillugit peqqusineramik malinnikkumangitsut Kalaallit Nunaannut Pinerluttulerineramik Inatsit malillugu pineqaatissinneqarsinnaapput.

Imm. 2. Ingerlatseqatigiiffiit il.il. (inatsisilerinermi inuttut immikkoortutut isigineqartut) pinerluttulerineramik inatsimmi kapitali 5-imi malittarisassat malillugit pinerluttulerineq pillugu inatsiseqartitsinikkut akisussaatinneqarlutik pineqaatissinneqarsinnaapput.

Atuutilerfia

§ 11. Nalunaarut ullormi 3. april 2020, nal. 18:00 atuutilissaaq.

Namminersorlutik Oqartussat, ulloq 3. april 2020


Martha Abelsen

/


Tine Pars